



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



372

# Ե Ա Պ Օ Ն Ի Ա

Կազմիչ

Խ. ԽԱՉԱՏՐԻԱՆ

№ 8

Գրքն է Յ 409.

91(52)

Խ-28

1904

Տ Պ Ա Ր Ա Ն  
Ս. ՂԱԲՆԱՆԵԱՆՑԻ

21483

10 NOV 2011

91(52)  
ju-28

us

# Ե Ա Պ Օ Ն Ի Ա

379



Կարգից

Խ. ԽԱՉԱՏՐԵԱՆ

1004  
18183



Թ Ի Տ Լ Ի Ս

Տպարան Մովսես Վարդանեանցի  
1904

## Ե Ա Պ Օ Ն Ի Ա

Նապօնիան ասիական անկախ թագաւորութիւններից միակն է, որ ինքնակամ ու զիտակցօրէն ընդունել է եւրոպական կրթութիւն և կազմակերպութիւն:

Նապօնիայի տարածութիւնն է 417,396 քառ. կիլօմետր\* ) 46 միլիօն բնակչով, որոնք ապրում են երեքհազարից աւելի կղզիների և կղզեակների վրայ: Կղզիներից շարքը՝ Նիպօն, որ Նապօնիայի մայր հողն է, Սիկօկօ, Կիուսիու և Իեսօ մեծեր են: Բոլոր կղզիներն ասիայի արևելեան ափերով սկսած Կամչատկա թերակղզուց ինչպէս շղթայ ձգւում են դէպ հարաւ մինչև Փօրմօզա կղզին. Փօրմօզան ևս 1894—1895 թւի վերջին շին-եապօնական պատերազմից յետոյ անցաւ Նապօնիայի տիրապետութեան ձեռքը:

Արևմուտքից Նապօնիային հարևան են ասիական Ռուսաստանը, Կօրէան և Չինաստանը: Նապօնացիներն իրենց հայրենիքն անուանում են «Նիպօն», որ նշանակում է «երկիր արևի ծագման». պատճառն այն է, որ Նապօնիան արևելք է ընկած և արևի առաջին ճա-

\*) Կիլօմետրը սուսական 1 վերստից 31 սաժէն պակաս է:

Доз. Цензурою 20 Февраля 1904 г. Тифлисъ.

ուագայթները նրա վրայ են ընկնում:

Եւապօնական կղզիները լեռնոտ են, չկան ընդարձակ հովիտներ և մարգագետիններ, սարերի մեծ մասը հրաբլխային են ու պատկանում են հանգչող հրաբուլդիներին շարքին: Եւապօնիայում այժմ ևս կան դեռ շատ գործող հրաբուլդիներ՝ նրբեմն մոխիր և լաւա արձակողներ և երբեմն միայն քար ու ծծմբային գոլորշի ու դրանցից էլ գոյացել են առողջարար ծծմբային աղբիւրներ: Եւապօնիայում էլ կան բարձրագիր սարեր, օր. Փուղիամ սարը, որ Տօկիօ մայրաքաղաքի կողքին է, ունի չորս վերստ բարձրութիւն և գագաթը ծածկուած է մշտական ձիւնով: Այս սարը նրելրատեղի է եւապօնացիների համար. նրանց կարծիքով սրա գագաթին գտնուում է աստուածներից մէկի բնակարանն ու տաբուլայ որոշ ժամանակում խմբուում են այստեղ բազմաթիւ երկրպագողներ: Փուղիաման մի գեղեցիկ սար է, դաշտի վրայ կոնաձև բարձրացած. նրա ձիւնապատ գագաթը թաղնուած է ամպերի մէջ:

Քացի այդ հրաբլխային լաւաներից, լինում են և ստորերկրեայ ցնցումներ: 1000 այդպիսի թեթև հարուածներ են պատահում տարւայ մէջ, 1896 թ. ստորերկրեայ սաստիկ հարուածից գոյացող ծովային ալիքը փլատակեց 5000 տուն և ոչնչացրեց 30,000 հոգի:

Եւապօնիայի կլիման և հողն այնչափ բարեյաջող են երկրագործութեան համար, որ այս երկիրն արագօրէն ծաղկում ու հարստանում է: Այս կղզիների կլիման համեմատած իր

հարեան Չինաստանի և Ռուսաստանի հետ՝ ահազին առաւելութիւն ունի, շնայած որ եւապօնական նեղ ծովով է բաժանուած: Յայտնի է առհասարակ՝ ծովային կլիման սակաւ փոփոխուող է. աւելի համաչափ, քան ցամաքայինը: Այսպէս և Եւապօնիան, որ պատած է ջրերով և խոնար մթնոլորտ ունի. ովկիանոսի գոլորշիով կշտացած՝ կլիման աւելի մեղմ է, քան հարեան մայր ցամաքինը: Մէկ էլ որ Եւապօնիայի արեւելեան ափերի երկարութեամբ հարաւից, հասարակածից փչում են ծովային տաք քամիներ և տաքացնում օդը: Այս հոսանքը մօտ 70 վերստ լայնութիւն ունի: Բնական է, որ ափերի կլիման փոխում են: Այս իսկ պատճառով Չինաստանի Պեկին մայրաքաղաքում ձմեռը լինում է այնպէս դաժան, ինչպէս օրինակ Վիեննա. իսկ Եւապօնիայի Տօկիօ մայրաքաղաքը, որ գտնուում է համարեա միևնոյն աշխարհագրական պայմաններում, եկած ձիւնը մի քանի ժամից յետոյ հալչում է:

Առատ անձրևներ, բարեխառն ձմեռն, ամառուայ խոնաւութիւնն և հողի լաւ յատկութիւնը պարգևել են Եւապօնիային շտեմնուած հարուստ և փարթամ բուսականութիւն: Միւս կողմից բնակիչների քրտնաջան աշխատութեան շնորհիւ Եւապօնիայում ամեն տեղ մշակուած է, մինչև անգամ սարերի գագաթներ ու խոռոչները: Վայրի գաղաններ շատ քիչ են: արջեր, գայլեր համարեա չկան. կան մանր աղուէսներ և կապիկներ մանր տեսակը: Զանազանակերպ և շատաքանակ թռչուններ Եւ-

պօնիայում աւելի պակաս են, քան մայր ցամաքի վրայ:

Մինչև 19-րդ դարու կէսը Եապօնիան Եւրոպային անյայտ մի երկիր է կոչել, թէև միջին և յետագայ դարերում փորձեր են եղել յարաբերութիւն ունենալ հետները. իսկ 19-րդ դարի կիսից սկսուած է կանոնաւոր առևտրական յարաբերութիւն Եւրոպայի հետ և օրէցօր արագօրէն ծաղկում: Այժմ Եապօնիայի ծովափնեայ քաղաքներում ապրում են եւրոպացիներ և կան եւրոպական թաղեր: Եապօնացիները կարճ միջոցում շատ օրինակներ են վերցրել եւրոպացիներից և վերջիններիս համար էլ կան եապօնացիներից սովորելու բաներ, օր. աշխատասիրութիւն, բարեսրտութիւն ու մաքրասիրութիւն:

Եապօնացիները մի բարձր և սովորութեան տէր ժողովուրդ են. խօսում են մի լեզուով, առանց բարբառների. իբրև միաբան, միասիրտ ժողովուրդ՝ գիտակցաբար են գործում և անկեղծ սիրով կապուած են հայրենիքի հետ:

Եապօնացիները կարճահասակ են: Նըրանց դիմագծերին և մորթու գոյնին նայած՝ նրանց կարելի է բաժանել ստորին և բարձր դասակարգերի: Ստորին դասակարգը գիւղացի երկրագործներն են—եապօնիայի բնիկների սերունդը, սրանց դէմքը լայն և տափակ է, այտերը սղմուած, բիթը տափակ, բերանը կիսաբաց և աչքերը կանոնաւոր: Իսկ բարձր, նորեկ, նուաճող, արխատկրատ տոհ-

մի մորթի գոյնը սպիտակ է, մարմինը աւելի ճկուն, թոյլ. գլուխն երկար, ճակատը բարձր, դէմքի շրջանակը ձուածև, այտերը քիչ սեղմուած. արծաթեթ, շրթունքները բարակ, աչքերը շեղ՝ շինացիների նման:

Եապօնացի կանայք բաւական գրաւիչ են և քնքուշ վարմունքով. Բարեսրտութիւնը, բարեացակամութիւնն և քնքշութիւնն եապօնացու բնաւորութեան յատկանիշներն են: Դասակարգերը միմեանցից չեն խորշում, բարձրապիւր անձն գիտէ քաղաքավարի վարուել ստորին դասակարգի հետ: Եապօնացիները կտրել են, ժուժկալոզ, կարգապահ և մաքրասէր:

Եապօնացիների ազգայնական տարազը գրաւիչ է. կանայք և մարդիկ հագնում են մետաքսեայ երկար խալաթ՝ լայն գոտիով՝ մարդկանցը նեղ և սև, կանանցը շորս արշին երկարութեամբ և մի արշին լայնութեամբ՝ պայծառ թանգազին կտորից. գոտին կապում են երկտակ և յետևում գեղեցկաձև հանգոյց ձևակերպում, որ մի առանձին գրաւչութիւն է տալիս եապօնացի կնոջը. Եապօնացիները հագնում են փայտեայ կամ ծղօտէ ներբաններով ոտնամաններ. գլխարկ չեն ծածկում, միայն շոգ ժամանակ արևից պաշտպանուելու համար կրում են հովանոցաձև մետաքսէ կտոր, կամ իւրոտ թղթից և կամ հնդկեղէզից՝ ծայրերը թելերով կզակի տակ կապած: Վերջին ժամանակներս պալատական տիկնայք սկսել են հագնուել եւրոպական տարազ: Բարձր դասակարգի մարդիկ ևս հետդետէ թողնելով ազ-

գայնականը՝ հազնում են եւրոպական հագուստ. իսկ բոլոր զինւորականներին և զօրքին պարտաւորեցուցիչ է եւրոպական հագուստը:

Եապօնացի կնոջ գլխի մազերի սանրուածքը շատ բարդ գործ է և ժամանակ խոզ, ամբողջ շորս ժամ. ամեն օր ժամերը զբաւրայ շվատնելու համար, շաբաթը երկու անգամ է սանրում և գիշերները քնում է առանց յետ անելու գլուխը և անկողին է մտնում ծոծրակից սկսած, իսկ ծոծրակը դնում յենարանի վրայ այնպէս, որ գլուխը շունի բարձին և մազերը շփշանան:

Եապօնացին բնութեան սաստիկ սիրահար է: Տան տեղը ընտրում է նա հոսող ջրի, կամ ծովի ափին և կամ անտառին մօտիկ: Եապօնական տները փայտից են, սովորաբար երկյարկանի և գեղեցիկ: Տանիքը ծածկում են կղմինարով. պատերի փոխարէն (թէ դրսի պատերն և թէ սենեակներինը) հազցնում են փայտէ շարժուող շրջանակներ՝ թղթով սոսնձած: Գիշերները՝ ճրագները վառելիս՝ եապօնացու տները կործես մի-մի մեծ գեղեցիկ թղթէ լապտերներ լինին: Ընորհիւ այդ շարժուող փեղկերի՝ սենեակներն ամեն մի ըսպէ կարելի է մեծացնել և փոքրացնել իրենց ցանկացածին պէս. Զմեռը սենեակի մէջտեղը դրած է կրակարան: Տարուայ բոլոր ժամանակը կրակարանում կարելի է գտնել առթ թէյ մետաղեայ թէյամանով. կողքին դրած է կարճ ծխամորճը ծխախոտի արկղով: Հիւրերին այստեղ են ընդունում և հիւրասիրում

են թէյով և ծխախոտով: Աթոռ չեն դործածում Եապօնիայում, նստում են յատակի վրայ, համարեա առանց կահկարասիքի են: Յատակին փռուած է մաքուր փայլուն խսիր. նրա վրայ քնում, նստում, հանգստանում են: Սենեակ մտնողները հանում են ռանամանները հարկաւ:

Վերջին աղքատ եապօնացու տան առաջ կգտնէք փոքր այգի տեսակ-տեսակ ծառերով: Մեծ այգիներ չկան այստեղ. այգում շինուած են ժայռ, լիճ, առուակ, ծառուղի, շաւիղ և այլն:

Եապօնացին, ինչպէս վերևում յիշուած է, ամեն բանում սիրում է մաքրութիւն: Մաքուր է նրա տունը, այգին, տան առաջի փողոցը. նոյն իսկ յետին բանւոր-ածխագործը՝ մաքրասէր է: Երեկոները ծովափնեայ գիւղերում կտեսնէք խմբերով մաքուր հազնուած երգող, սլարող, զանազան գործիքներով նուագող երկսեւից դրօսնող երիտասարդներ: Սրանց թւումն են նաև ամբողջ օրով մրի մէջ կորած աշխատող ածխագործները: Իւրաքանչիւր եապօնացու տանը պահում է կիսատակառ՝ մշտական մաքուր ջրով լիքը, որի մէջ օրը մի քանի անգամ լուացում են: Հիւրերին ևս պատում են լողարանով:

Եապօնիայի բարձր և ժայռոտ սարերում գրեթէ անկարելի է կառքով գնալ: Ճանապարհորդում են երկու կամ չորս բեռնակիր մարդկանցով. իսկ բեռը բարձում են ձիաներին: Քաղաքներում և արուարձաններում, ուր գե-

տինը հարթ է՝ փոքրիկ կառքը դարձեալ մարդիկ են քարշում: Ջինրիկչան (քարշող մարդ) առանց հանգստանալու 4—5 վերստ ճանապարհ է կտրում: Վճարը սակազնով է—մի ըրի (3½ վերստ) 6 կոպէկ: Եսպօնիայում բանւորը օրական կարող է 15 կոպէկով ապրել: Ուրեմն՝ ամուրի ջինրիկչան (մշակ, բեռնակիր), որպէս զի շմեռնի քաղցածութիւնից, ամենայն օր պէտք է կտրէ օրական մօտ 10 վերստ, նոյն իսկ շող ժամանակ 4—5 փութ ծանրութեամբ:

Եսպօնացիները սակաւակեր են, սիրում են աւելի բուսեղէն և ձկնեղէն կերակուր. իսկ մշակի կերածն է սովորաբար եփած բրինձ: Գալով խմիչքներին՝ Եսպօնիայում բոլորովին գինի չկայ, տարածուած է աւելի օգի բրընձից պատրաստուած, այն էլ տաքացրած: Եսպօնացին սիրում է խմել առհասարակ կօպանիայով—ընկերներով, տանը նա միայնակ բոլորովին չի գործածում. իսկ բնկերութեան մէջ դարձեալ նա չափաւոր է խմում, չի արբում. իսկ եթէ պատահի, այդպիսուն իսկոյն հեռացնում են, որ փողոցում ոչ ոք չտեսնէ:

Եսպօնացի մարդիկ և կանայք ամենքը ծխում են, միայն չափաւոր, ծխում են մետաղեայ բարակ շիրուխով, որ շատ քիչ ծխախոտ է տանում, այնքան որ թիթ և բաւականութիւն ստանան:

Եսպօնացիների մեծ մասը մինչև այժմ կռապաշտ է: Ամենատարածուած կրօնը բուդդայականութիւնն է, որ անցել է Հնդկաստա-

նից: Այս կրօնի հիմնադիրը թագաւորական ցեղից Սակիա—Մունի ճգնաւորն է, որ յայտնի է Բուդդա անունով և ապրում էր 7-րդ դարում. իսկ կռատները գտնուում են գեղեցկանիստ բլրների գագաթներին անտառների մէջ:

Կռքերին երկրպագութիւն տալը ժամանակակից լուսաւորուած եսպօնացու հոգեկան պահանջներին չէր բաւարարի. ուստի 19-րդ դարու կիսից բրիտանէութիւնն արագօրէն ասարածուում է:

Եսպօնացին առհասարակ լուսաւորութեան ուսումնածարաւ է: Այդ ծարաւը պատուաստում է նրա մէջ դեռ մանկութիւնից ընտանեկան յարկի տակ. սովորում է նա գրագիտութիւն, նուագածութիւն, մանաւանդ կանայք. 7—8 տարեկան հասակից երեխան ուղարկում է ուսումնարան: Օրէնքով 600 բնակչին ընկնում է մի ուսումնարան. այսպիսով ամենքը միջոց են ունենում սովորել և անգրագէտ կին կամ մարդ համարեա թէ չի գրտնուի: Բացի դրանից Եսպօնիայում կան մօտ 400 միջնակարգ, բարձրագոյն հաստատութիւններ, որի մէջ է և Տօկիօի համալսարանը՝ 2500—3000 ուսանողով: Ըստերը շրաւականալով Եսպօնիայում ստացած գիտութեամբ՝ ուղևորում են եւրոպական համալսարաններ: Այսպէս՝ Եսպօնիայում շատ կան գիտնական անձինք, որոնք խօսում են ղանազան լեզուներով և ուշագրութեամբ հետևում են թէ ինչ է կատարում Եւրոպայում և ինչն է Եսպօնիայի համար հարկաւոր: Եսպօնիայում հրատարակ-



ւում են շատ լրագրեր. ներկայումս այնքան են աւելացել, որ մինչև անգամ գիւղերում ևս սկսել են տպուիլ վիմագրական թերթիկներ:

Եապօնացիներն իրենց այրենարանը շէնացիներին են փոխ առել. նրանց տառերը շատ բարձր են և հնարիմաց. իւրաքանչիւր առանձին նշանը տառ չէ ցոյց տալիս, այլ ամփոփ հասկացողութիւն: Գանոնաւոր դարգացումն ձեռք բերելու համար հարկաւոր է ամենապակաս 10,000 նշան իմանալ. չնայած այս դժուարութիւններին, սակայն դարձեալ եապօնացիների գրագիտութիւնն և կրթութիւնը ծաղկման է հասել:

Ժողովրդի լուսաւորութեան գործին մեծ գարկ է տալիս և թատրոնը Եապօնիայում: Պիէտները սովորաբար պատմական բովանդակութեամբ են թաղաւորների և հերոսների քաջագործութիւնից: Եապօնացիները ներկայացումները շատ բաներում տարբերում են եւրոպականից: Մի դրամայի ներկայացումը մի քանի օր է տևում: Սկսում է ներկայացումը 9—11 ժամին առւտտեան և տևում է մինչև արևի մայր մտնելը: Հասարակութիւնը թատրոնում, ինչպէս տանը, նստած յատակի խորի վրայ թէյ խմում, նախաճաշում, ծիչում և միևնոյն ժամանակ շատ ուշադրութեամբ լսում է դերասաններին: Բեմանկարներ (դեկորացիա) միայն յայտնի թատրոններում կարելի է տեսնել: Խաղամիջոցներին (անտրակտ) լինում է նուազածութիւն, որին եապօնացին լսում է ախորժանքով:

Եապօնացին աշխատասէր է. հողն երկրագործութեան համար յարմար և կլիման գոհացուցիչ. ազգաբնակութիւնը շատ է, իսկ հողը սակաւ, դորա համար եապօնացին ժայռերն ևս փափկացրել է մշակութեան համար. նա արհեստական ամեն մի միջոց գործադրում է, որպէս զի հողից աւելի արդիւնք ստանայ: Եապօնացին չի ցանում. այլ հատիկները անկում է շարքով և հնձում է տարին 2—3 անգամ, այնպէս որ նա բոլոր տարին գործում է, իսկ կենդանիների էլ պէտքութիւն շունի:

Եապօնիայի գլխաւոր բոյսերն են բրինձ, ցորեն, գարի, հնդկացորէն և սիսեռ: Բրինձն երկրագործի գլխաւոր կերակուրն է—մի մարդուն երեք ֆունտ օրական: Բացի յիշեալ բոյսերից Եապօնիան արտադրում է շերամ, թէյ և հնդկեղէպ: Չերամն իր նրբութեամբ գերազանցում է եւրոպականից. թէյն իր լաւ տեսակով եթէ ոչ այժմ շուտ ժամանակով կարող է մրցել Չինաստանի հետ:

Եապօնիայում ընտանի կենդանիներ քիչ են: Չի կենդանին բանացում է բեռնակրութեան ժամանակ և մէկ էլ ձիաւոր զօրքի համար: Կով և եղն հազաւգիւտ են:

Բացի երկրագործութիւնից եապօնացիները հիւսիսային կղզիներում, ուր կլիման ցուրտ է և հողն երկրագործութեան համար ոչ այնքան յաջող, պարապում են ձկնորսութեամբ: Որսում են նրանք մի վերստից աւելի երկար ուռկանով 70 հոգու օգնութեամբ, օրուայ մէջ երեք անգամ և հանում

են օրական մօտ 20,000 ձուկ:

Եապօնացիները աշխատասիրութեան շը-  
նորհիւ ամեն ասպարիզում, նրանց հայրենիքը  
օրստօրէ ուժեղանում և հարստանում է: Հիմա  
հէնց Եապօնիայում քաղաքներ կան, որոնք  
ընակիչներով հաւասարում են եւրոպական ա-  
մենամեծ քաղաքներին: Տէրութեան Տօկիօ  
մայրաքաղաքը մօտ երկու միլիոն ընակիչ ու-  
նի: Տօկիօում ձիաքարչ կառքեր շատ քիչ են,  
այդպէս և ձիաքարչ երկաթուղիները քաղաքի  
բոլոր թաղերը չեն տարուած, հաղորդակցու-  
թիւնն աւելի կատարում է շինարարները մի-  
ջոցով: Տօկիօում գտնուում է ներկայ Մուցիկի-  
տօ միկադօի (թագաւոր) պալատը: Արքունիքը  
չըջաղատուած է բարձրադիր քարէ պարսպով,  
ուր բացի պալատականներից, հասարակ մահ-  
կանացուին անկարելի է տեսնել: Տօկիօում  
կառավարչական ուրիշ հաստատութիւններ եւ  
շատ են: Այստեղ եւրոպական քարէ շինու-  
թիւններ եւ կան:

Տօկիօ մայրաքաղաքը միացած է կղզու  
հեռաւոր ծայրի Կիօտօ հին մայրաքաղաքի  
հետ երկաթուղիով, որի երկարութիւնն է 600  
վերստ: Այս գլխաւոր գծից սկսում են երկ-  
րորդական գծեր դէպ միւս քաղաքներն ամե-  
նայն ուղղութեամբ. սրանցով համարեա բոլոր  
քաղաքները միանում են մայրաքաղաքի հետ:  
Մայրաքաղաքից 30 վերստ հեռաւորութեամբ  
ծովափում գտնուում է վաճառաշահ Իօկահա-  
մա նաւահանգիստը, որ սրանից 30 տարի ա-  
ռաջ մի աննշան ձկնորսական գիւղ էր. իսկ

այժմ Եապօնիայի արտաքին վաճառականու-  
թեան կենտրոնն է: Իօկահամայի տեսքը ծովի  
կողմից տեսնողի վրայ եւրոպական քաղաքի  
տպաւորութիւն է թողնում. հարիւրաւոր եւրո-  
պական առևտրական տներ ունի, տասնեակ  
հազարի շափ եւրոպացիներ և ամերիկացիներ  
ունին այստեղ հաստատուն տեղեր: Պէտք է  
նկատել որ Եապօնիայում անգործ մարդ չի  
գտնուի, աղքատ թէ միջակ դասակարգ պա-  
րապում են որ և է արհեստով: Մեծ խանութ-  
ներ չկան Եապօնիայում և իւրաքանչիւր ար-  
հեստաւոր տանն է ծախում իր ձեռքի ար-  
տադրութիւնը:

Եապօնական յախճապակին, մետաքսեայ  
ասեղնապորժը, մետաղից և կրիայի սակրից  
պատրաստած անօթները, լայքան և վաղերը  
մինէով (էմալ) պատած գոյնզգոյն նուրը նկար-  
ներով ողջ աշխարհին են դարմացնում ու լու-  
սաւոր աշխարհի զարդարանքի առարկանեք են:

Եապօնացու կեանքն եռուն-աղմկալի է,  
ամենքը գործի են՝ թէ տանը, թէ գուրսը:

Եապօնիայի ընութիւնն ուրախ և գեղե-  
ցիկ է. սքանչելի է նրա բուսականութիւնը.  
գեղեցիկադիր վայրեր, որոնք քարչում են դէպ  
իրենց շատ տեղերից ճանապարհորդներ և  
շատերին էլ առևտրական նպատակներով:

Եապօնիայի առևտուրն օտար տէրու-  
թեանց հետ զարմանալի արագօրէն ծաղկում  
է: Փոխարինում են թէյ, մետաքս, քափուրը և  
գեղարուեստական ձեռագործներ ու ստանում  
են մետաղներ, մանուֆակտուրական ապրանք

և այլ բաներ, որոնք իրենք չունին, կամ հազ-  
ւադիւտ են:

Գալով հայրենիքի պաշտպանութեան  
խնդրին հարկ եղած դէպքում օտար տէրու-  
թեանց դէմ, Եւպոնիան քնած չէ մնացել. նա  
ժամանակին զինուեց նաւատորմիով: Ունի  
100,000 ցամաքային զօրք և զինուորական  
զեզեցիկ նաւատորմիդ: Ամենքը, ուրքեր ճանա-  
չում են Եւպոնիայի զօրքն և նաւատորմը,  
միաձայն զովում են զինուորի խիստ կարգա-  
պահութիւնը, քաջութիւնը և հայրենիքին անձ-  
նուիրութիւնը: Ապացոյց զրան եւպոնացիներ  
ըի վերջին պատերազմը 2ինաստանի հետ  
Կորէան տիրելու համար, որովհետև իրենց  
երկիրը փոքր է, ժողովուրդը շատ: Կորէայի  
փոխարէն ստացան շինացիները 100 միլիոն  
ռուբլի և Փորմօզա կղզին: 2ինացիները ստա-  
ցած փողը գործադրեցին զօրքի ուժեղութեան  
և պատերազմական նաւեր շատացնելուն: Այժմ՝  
արդէն եւպոնական մարդատար նաւն երթե-  
կում է ազատօրէն Վլադիվաստօկ, Կորէա, 2ի-  
նաստան, Հնդկաստան, մինչև անգամ հեռաւոր  
Անդղիա:

Այսպիսով եւպոնական ժողովուրդն իրրև  
մի կուլտուրական ազգ՝ արագօրէն բուսածաղի-  
մում և ծաղկման է հասնում: Բնակչւն ասպարի-  
զում:



Հայաստանի Ազգային գրադարան



NL0420352

ՀՈՅՍ ԵՆ ՏԵՍԵԼ

- |    |  |       |
|----|--|-------|
| 1. | ԹԱԹԱԽՄԱՆ ԳԻՉԵՐԸ, Լէօի, գինը                                  | 5 կ.  |
| 2. | 26 ՏՂԱՄԱՐԴ ԵՒ 1 ԱՂՋԻԿ, Մակ-<br>սիմ Գօյրկու, թարգ. Մուշէ վ. . | 5 կ.  |
| 3. | ԽԵՆԹԸ և ուրիշ պատմածքների,<br>վ. Փափագեանի . . . . .         | 10 կ. |
| 4. | ԿԵԱՆՔԻ ԴԱՄԸ, պատմածք<br>Ա. Ահարոնեանի . . . . .              | 5 կ.  |
| 5. | ՍԳԻՏԱԿ ԾԱՂԻԿԸ Է. Օժէշկօյի<br>թարգ. Չահրդդեանի . . . . .      | 5 կ.  |
| 6. | ԱՐՏԻՍՏԸ Չիրվանդագէի . . . . .                                | 15 կ. |
| 7. | ԵՂՕՅԻ ՔՈՌ ԲԱԽՏԸ Չահրիարի                                     | 3 կ.  |
| 8. | ԵԱՊՕՆԻԱ Խաչատրեանի . . . . .                                 | 3 կ.  |